

古胸考略第三卷

海州喬紹傳纂

名宦考

漢

汲黯字長孺濮陽人武帝時為東海太守

魯賜碭人中公弟子為東海太守

漢書儒林傳

于公東海郟人為縣史郡決曹決獄平恕

詳見漢書並舊志

韋宏魯國鄒人丞相賢次子也宣帝時為東海太守

韋賢傳

古胸考略

卷之三

一

尹翁歸字子兄

顏師曰兄讀曰況

河東平陽人宣帝地節中

為東海太守

後漢

後漢書建武十九年封子疆為東海王以次相傳至

魏受禪國除

宋均字叔庠南陽安衆人永平元年為東海相

趙咨字文楚東郡燕人延熹元年舉至孝有道靈帝

初東海相

黃浮桓帝時為東海相 附陳蕃傳

徐璆字孟玉廣陵海西人中平時為東海相 以上後漢書

潘勗漢東海相 晉書潘尼傳

韋著京兆杜陵人後漢時為東海相

薛衍淮陽人後漢時為東海相 以上唐書軍相世系表

抱朴子桓帝時以幣徵徐孺子為東海相不至

宋

劉善明平原人宋廢帝元徽二年為青冀二州刺史

古胸考略 卷之三 一一

時二卅已入魏僑立州治于胸山 宋書

何欣之盧江人劉宋時為贛榆令 王氏冥祥記

南齊

垣崇祖字敬遠下邳人宋明帝時魏陷徐州崇祖妹夫皇甫肅將家屬及崇祖母奔胸山崇祖因將部曲據之遣使歸命太祖在淮陰板為胸山戍主有軍將亾入魏魏遣步騎二萬襲崇祖屯洛要去胸山城二十里崇祖出送客未歸城中驚恐崇祖令腹心人等

急走二里外大叫而來唱艾塘義人已破魏伐軍速往相助又令人持兩炬火登山鼓噪魏人疑其軍備甚盛乃退以功封輔國將軍泰豫元年徙戍龍沮在胸山南崇祖啟斷水清平地以絕魏騎帝從之崇祖率將吏塞之未成魏彭城鎮將平陽公來爭數萬騎掩至崇祖馬槊陷陣不能抗乃築城自守會天雨數十餘日敵乃退龍沮竟不立帝擢為東海太守垣榮祖字華先崇祖從父兄宋明帝初徐州刺史薛

安都欲外附榮祖止之不聽安都遂引魏師入彭城榮祖攜家屬南奔胸山魏遣騎追之不及遂附齊太祖仕至東海太守

周山圖字季寂義興義鄉人齊高帝建元二年出為假節督兗青冀三州徐州東海胸山軍事寧朔將軍百姓附之二年冬魏來攻胸山為元元度盧紹之所破帝敕山圖應赴會義衆已為魏所没山圖拔三百家還淮陰表移東郡治漣口帝納之

裴叔業河東聞喜人永泰元年為東海太守

以上南齊書

梁

陰子春字幼文武威姑臧人父智伯與梁武帝鄰居少相善帝即位官至梁秦二州刺史子春仕歷位朐山伐主東莞太守月餘魏欲襲朐山間諜前知子春設伏破摧之授南青州刺史鎮朐山累遷至侍中

南史

北齊

李渾字季初趙郡柏人人天保中徐海州刺史賦攻

古胸考略

卷之三

四

州城城中多石無井常食海水賊絕其路城內先有一池時旱久涸一朝天雨泉流涌溢賊以為神應時駭散渾督勵將士捕斬其渠帥衆遂定

祖珽字孝徵范陽人父瑩魏護軍將軍珽少負文譽起家秘書郎對策高第武成中已歷顯住齊後主立

除海州刺史

以上北齊書

隋

張孝徵不知何郡人州志云為東海令嘗築西海堰

捍潮自是免水患

房恭懿字慎言河南洛陽人性沈深有局量達於從政開皇初有以蘇威薦歷澤德二州司馬歲餘盧愷復奏恭懿改為天下最上賜物百段因謂諸州朝集使曰恭懿體國愛民百姓視如父母此乃天之賜朕當令天下模範之卿等宜師敦也於是下詔曰德州司馬房恭懿出宰百里毗贊二藩善政能官標映倫伍班條按部實允僉屬委以方岳聲實俱美可使持

古胸考略

卷之三

五

節海州諸軍海州刺史未幾為何妥誣奏罷任天下

寃之

隋書循史傳

李亮隴西成紀人仕隋為海州刺史唐有天下以宗

室加恩追封鄭王諡曰孝

唐書宗室傳

唐

李邕字泰和揚州江都人知海

按唐書邕本傳雖不言知海州而諸書所引信而有徵如李白集東海有勇婦詩北海李使君飛章奏天庭以邕稱李北海也鄭樵金石略海州大雲禪寺碑唐李邕書太平廣記李邕知海州云云是

也

姚彞陝州破石人丞相崇長子也海州刺史

崔大方博陵安平人海州刺史

李裕譙郡人海州刺史

王方謂琅琊臨沂人海州錄事參軍

鄭抱劍滎陽人海州司戶參軍

鄭光庭鄭州滎陽人海州倉曹參軍

鄭子潤滎陽人海州倉曹參軍

古胸考略

卷之三

六

柳憬汝潁人海州長史

唐書作柳燦

李述譙郡人東海尉

以上唐書宰相世系表

李進成隴西成紀人海州司倉參軍

唐書宗室世系表

崔惟怱字踐直清河人開元七年為海州司馬

元曖字徽明河南人開元七年知東海縣

崔逸鬱林觀東巖壁記

杜令昭京兆杜陵人開元十二年為海州刺史州東

東二十里有永安堤北接山環城長七里以捍海潮

公所築也

唐書地理志

姜晦秦州上邽人開元初擢御史中丞臺儀復振為  
吏部侍郎主選賊賂路塞流品有叙兄皎被放晦貶  
春州司馬遷海州刺史

新唐書本傳

朱用芝海州刺史朱瑾為朱全忠所敗趨海州用芝  
以其衆與瑾奔楊行密

新唐書朱宣傳

韋正名東海令

朱守言海州文學

孔如珪海州司戶參軍

以上三人見新唐書宰相世系表

古胸考略

卷之三

七

晁良未詳何郡人開元中海州錄事參軍

見馬懷素傳

李知遠未詳何郡人肅宗寶應中為東海令

見封氏聞見記

李行言未詳何郡人宣宗大中八年擢為海州刺史

初上獵于苑北遇樵夫問其縣曰涇陽人令為誰曰

李行言為政何如曰性執有盜數人匿軍家索之不

與盡殺之上歸帖其名于寢殿柱遂除是官及入謝

金紫上曰卿知所以衣金紫乎對曰不知因取柱帖

示之

見通鑑

梁

劉知俊字希賢徐州沛人事梁太祖為左開道指揮使姿貌雄傑能披甲上馬輪劍入敵勇出諸將右當

時劉開道名重軍中歷官海州刺史

吳任臣前蜀春秋

吳

陳宣吳太和二年八月海州都指揮使王傳極叛降

唐宣死之

五代史

王巖太和二年以威衛大將軍知海州

吳任臣十國春秋

古胸考略

卷之三

八

徐景遷徐州人知誥次子也太和六年為海州團練使

臺濠字頂雲合肥人吳太祖時為海州刺史

王縮合肥人太祖時為海州副使官至鎮東大將軍  
以上吳春秋

南唐

鄭匡國金陵人

金陵志作鄭國圖

烈祖時為海州刺史

劉彥貞兗州中都人官海州刺史

南唐春秋

宋

孫方進不知何許人開寶中為海州刺史二年三月  
太祖詔令率兵圍汾州宋太祖  
祖紀

胡旦字周父濱州渤海人舉進士第一開寶初知海

州考旦本傳不足取其知海州帝謂無  
善狀日為部下所訟會赦乃錄用

張茂直字林宗兗州瑕邱人開寶三年進士解褐海  
州推官

王博文字仲明曹州濟陰人淳化中賜進士知海州

古胸考略

卷之三

九

為政務平恕常語諸子曰吾平生決罪至流刑未嘗  
不陰擇善水工處汝曹志之

張宗誨字習之曹州冤句人僕射齊賢第二子也為  
海州別駕

牛冕字君儀徐州彭城人太平興國三年進士真宗  
在東宮職其名咸平中以罪削籍遇赦移海州別駕  
大中祥符初真宗語宰相曰冕素純善黜棄久矣量  
宜甄叙即起知漣水軍

陳文顥泉州仙遊人洪進第三子也景德中知海州  
郎簡字叔廉杭州臨安人進士及第通判海州

劉湜字子正徐州彭城人舉進士知海州

喬惟岳字伯周陳州南頓人周顯德中登第其宗踐  
祚權知開封府陳乞外遷小州上嘉其靜退特授海  
州刺史明習吏事有沼劇才

祖無擇字擇之上蔡人進士高第知海州自慶歷詔  
天下立學徒文具無擇首建學官置生徒郡國弦誦

古胸考略

卷之三

十

之風由此始盛篤於師友少從孫明復學經術又從  
穆修為文章兩人死求其遺文彙次之傳於世

以上  
宋史

石延年字曼卿其先幽州人後徙宋城真宗時錄二

舉進士以為三班奉職恥不就神宗時通判海州

宋史

文苑  
傳

州舊有青龍山東北嶺有石棚可容十數人巖

上山嶺高峻人路不通了無花卉點綴映照延年使  
人以泥裏桃核為彈鄭于山嶺之上一二歲間花發  
滿山爛如錦繡因名萬花巖其石棚舊傳為石公政

事餘瑕讀書之所

歐公詩話

曼卿性豪飲與布衣劉潛為

友嘗倅海州潛訝之劇飲中夜酒欲竭並醋斗餘傾  
入盡飲之有囚飲巢飲諸名廨後立捫蝨庵嘗卧其

中

見胡仔漁  
隱叢話

趙槩字叔平南京虞城人中進士第通判海州官至

太子少師

孫洙字巨源廣陵人羈邕能文未冠擢進士包極歐  
陽修吳奎舉應制科進策五十篇指陳改體明白剴

古胸考略

卷之三

十一

切韓琦讀之太息曰慟哭流涕極論天下事今之賈  
誼也再遷集賢校理同知諫院王安石主新法多逐  
諫官洙力求補外得知海州免後法行常平使者欲  
加斂緡錢以取贏為功洙力爭之方春旱發運調使  
民緡漕渠以通鹽河洙持之不下三上奏乞止其役  
旱蝗為害致禱于胸山徹奠大雨蝗赴海死尋入朝  
擢翰林學士

沈括字存中錢塘人以父任為沭陽主簿縣依沭水

乃職方氏所謂浸曰沂沭者故跡漫為汙澤括新其二坊疏水為百渠九堰以播節原委得上曰七千頃擢進士第官至光祿少卿括博學善文於天文方志律歷音樂醫藥卜算無所不通皆有論著又紀筆談多載朝廷故實傳於世

劉彛字執中福州人從胡瑗學善治水舉進士第為胸山令治簿書恤孤寡作陂池教種藝平賦役抑姦猾凡所以惠氏者無不至邑人紀其事曰治範熙寧

古胸考略

卷之三

十二

初為制置三司條例官屬以言新法非便罷

陸佃字農師越州山陰人熙寧三年廷試對策擢甲科佃受經於王安石安石以佃不附已不復咨以政安石卒佃哭而祭之識者嘉其無向背脩撰神宗實錄數與范祖禹黃庭堅爭辨多是安石為之晦隱紹聖初治實錄罪生落職知泰州改知海州朝論灼其情復集賢殿脩撰佃著書二百四十卷如埤雅禮象春秋後傳皆傳於世

崔公度字伯易高郵人熙寧中知海州

鮑由字欽止處州龍泉人舉進士徽宗時知海州由嘗從王安石學又親炙蘇軾故其文汪洋閎肆詩尤高妙嘗注杜甫詩有文集五十卷

王覲字明叟泰州如皋人舉進士第徽宗時知海州沈錫字子昭真州揚子人與蔡京議不合知海州張叔夜字嵇仲開封人倚中耆孫也少喜言兵以蔭為蘭州錄事參軍遷知海州大觀中為庫部員外郎

開封少尹復獻文召試制誥賜進士出身歷官徽猷閣待制再知海州宋江起河朔轉掠十郡官軍莫敢撓其鋒聲言將至叔夜使間者覘所向賊徑趨海瀕劫鉅舟十餘載鹵獲於是募死士得千人設伏進城而出輕兵距海誘之戰先匿壯卒海旁俟兵合舉火焚其舟賊聞知皆無鬪志伏兵乘之擒其副賊江乃降靖康改元四道置師叔夜為南道都總管金兵再至詔入宿衛即自將中軍子伯奮將前軍仲熊將後

軍合三萬人與金兵轉戰而前陳兵玉津園鎧甲光明拜舞城下帝登城見之喜遷知樞密院連四日與金人大戰斬其金環貴將二人城陷被創猶父子力戰車駕再出郊叔夜哭諫帝迴首字之曰嵇仲努力金人議立異姓叔夜與孫傳固爭移書二帥請立太子以從民望二帥怒追赴軍中不食死訃聞贈開府儀同三司謚忠文

以上見宋史

曰錫字表聖嘉州洪雅人舉進士官左拾遺上疏太

古胸考略

卷之三

十四

宗嘉之知制誥好直言端拱二年歲旱上疏宰相不悅罷知陳州生稽獄訟責海州團練副使歷官右諫

議大夫卒贈工部侍郎有咸平集五十卷

宋史及東都事略

李迪字復古幽州人徙家濮深厚有器局舉進士第一通判兗州坐事謫監海州稅改右司諫歷官參知政事同中書門下平章事以太子太傅致仕卒贈司空侍中諡文定

宋史

穆脩字伯長汶陽人

宋史云鄆州

帥事陳搏傳其易學舉

進士調海州理掾

宋史云調泰州司理參軍

持才忤監郡者摺摭

其罪坐削籍遇赦叙潁州文學參軍故當時呼之曰

穆參軍脩首倡古文之學其後尹源與其弟洙始從

之學古文又傳其春秋學

東都事略

宋史脩性剛介好論

斥時病宰相識脩村用為學官脩終不往自五代文

敝脩獨以古文稱蘇舜欽兄弟從之遊一時士大夫

稱能文者必曰穆參軍所著集三卷

曾肇字子開建昌南豐人舉進士為神守實錄檢討

古胸考略

卷之三

十五

後治實錄譏訕罪出知滁州歷泰州海州時党論屢

起肇身更其開數不合天資仁厚容貌端嚴自少力

學博覽經傳為文溫潤有法更十三州類多善政

宋史

朱服字行中湖州烏程人熙寧進士甲科與蘇軾遊

坐貶海州團練副使蘄州安置

宋史

王祖道字若愚福州人第進士徽宗朝論事出知海

州

宋史

豐稷字相之明州蘄人登第徽宗朝官御史中丞論

蔡京奸狀京得政脩故怨貶海州團練副使建炎中  
追復學士謚清敏稷任言貴每草疏必密室退多焚  
藁所薦士皆知名當世

宋史

王襄初名寧鄧州南陽人擢進士第知海州

宋史

郭知章字明叔吉州龍泉人第進士知海州

強淵明字隱季杭州錢塘人進士第調海州司法參  
軍

陳過庭字賓玉越州山陰人舉進士宣和二年劾蔡

古胸考略

卷之三

十六

京王黼及朱勔父子謫海州團練副使其後隨二帝  
北行卒於燕山贈開府議同三司謚忠肅

洪擬字成季一字逸叟鎮江丹陽人登進士甲科宣  
和中知海州

郭候字同升開封祥符人以父任調海州東海縣尉  
後榷饒州浮梁宰死節

孟忠厚字仁仲洛州人隆祐太后兄追封咸寧郡王  
彥弼子也靖康元年知海州

李彥先字少嚴寧州彭原人少知兵多謀略建炎四年為海州鎮撫使

曲端字正甫鎮戍人以父任甫三齡即授三班借職警敏知書善屬文長于兵略屢立戰功建炎三年張浚欲仗其威承制築壇拜為威武大將軍軍士譟聲如雷後忌其功罷端兵四年謫海州團練使卒為浚所害

按端傳云責海州團練使萬安州安置則是未到海州任也

李進彥未詳何地人紹興元年為海州鎮撫使

以上宋史

古胸考略

卷之三

十七

魏勝字彥威淮陽軍宿遷人多智勇善騎射應募為弓箭手徙居山陽紹興三十一年金人將南侵籍諸路民為其勝躍曰此其時也聚義士三百渡淮取漣水軍宣佈朝廷德意不殺一人漣水民翕然聽命遂取海州郡守渤海高文富聞勝起遺兵來捕勝距海州南八十里大伊與金兵遇勝迎擊走之追至城下衆驚傳水陸悉有兵城中大恐文富閉門守驅民上城禦之勝令城外多張旗幟舉烟火為疑兵又遣人

向諸城門諭以金人葉信背盟無名興師本朝寬大愛民之意民間之即開門勝遣勇銳者登城樓餘自門入莫有禦者遂執高文富民皆安堵勝權知州事遣人諭胸山懷仁沭陽東海諸縣皆定乃蠲租稅釋罪囚發倉庫犒戰士分忠義士為五軍紀律明肅金遣同知海州事蒙恬鎮國以兵萬餘取海州抵州北二十里新橋勝率兵出迎之設伏于隘陣以待衆殊死戰伏發賊大敗殺鎮國馘千人降三百人軍威益

震山東民咸欲來附勝傳檄招諭結集以待王師之至沂民壁蒼山者數十萬金圍之久不下砦首告急于勝勝提兵往救大戰于山下勝以大刀奮擊入保砦內金兵無敢當者已而攻益急勝度其必復攻海州因間出砦趨城中金人果解蒼山圍自新橋抵城下勝出戰皆捷金兵分四面攻之勝募士登城以禦矢石如雨者七日金兵死傷多遁去勝起義久朝廷尚未知沿海置制使李宝遣其子由海道覘敵至州

始遣忠義將朱震褚道詣行在白勝姓名于執政始知勝之功焉金主亮舉兵渡淮慮勝躡其後分軍數萬來攻會李宝率舟師至勝邀與同擊金人于新橋大敗之勝復還州為捍禦計金兵至營于城北砂巷列陣將攻閉門先遣人說勝使降勝開門出諭之曰汝主叛盟失信無故興兵我朝以仁義之師來復舊疆汝主渡淮必敗爾等宜早來歸必獲爵賞時金兵已渡閉勝登閉門張樂飲酒犒軍士令固守勿出戰

金兵攻之踰時乃少遣將士出憑險隘擊之金人知不可攻率兵南轉而渡河襲閉後勝歛兵入城金兵追將及勝獨乘馬逐之叱曰魏勝在此敵皆辟易士卒後入者不復敢追軍已入城金兵徑趨城東欲過砂堰圍城為營勝先已據堰備之金軍不得過拒戰竟日終不能近有新募士守河者不知金兵遽過河勝恐絕河路急收兵入城金兵追至東門外黃土坡勝單騎逐之大叱之金兵五百皆望風退金兵復自

西南來襲勝從後叱之金兵駭散手殺數十人奏功授知海州兼山東路忠義軍都統遣其子昌同峒崕山首領張榮持旗榜往結山東忠義金自新橋關子門之敗殺傷者衆一日黎明乘昏霧四面薄城急攻勝激厲士卒竭力捍禦矢石交下城上溶金液投火牛金兵不能前多死傷乃拔砦走距海州為長垣包州城于中使不能出及亮卒乃解去勝善用大力能左右射旗揭山東魏勝金人望見即退走勝為旗十

數書其姓名密村諸將遇麀戰即揭之金兵悉避走勝初起義時無州郡糧餉之給無府庫倉廩之儲經畫市易課酒榷鹽勸糶豪右環海州度視敵兵攻取處築城浚隍塞關隘糾集遠邇稿勞士卒期約必信未嘗一日懈弛也金人遣山東路都統總管以兵十萬攻海州時李宝師海州水陸並進抵城北砂巷勝率衆合宝軍大破之斬首不可計堰水為之不流餘悉奔瀆勝獨率兵追北二十里至新橋又破之盡獲

其鞍馬噐甲寶亦駐海州為進取計金人復遣五斤太師發諸路兵二十餘萬攻海州先遣一軍自州西南斷勝軍餉道勝擇勇悍士三千餘騎拒于石闢堰金軍不能進逮夜始還留千人備險隘金軍十萬來奪勝率衆麁戰殺數千人餘皆遁去下令守險勿進報宝宝以防海道登舟不復發兵金兵盛集勝力拒之自旦至暮金兵不能奪勝令步卒整隊前行自為殿時百姓以寶既登舟懼金兵大至皆欲入城統制

郭尉閉城門不納人畜敝野呼號動地城中亦懼勝入城諭以賊勢退怯之壯固守可保無虞乃盡納之居無何金兵環城圍數重勝與郭蔚分兵備禦偃旗仆鼓寂若無人金兵驚數日不敢攻已而植雲梯置砲石四面合圍負土填濠俟其近城鳴鼓張旗矢石俱發繼以火牛金液凡三晝夜金兵竟不能近於是罷攻修營壘絕河道謀為固守勝俟其不備掩擊或獨出擾之使不得休息又間發兵劫其營或焚其攻

具既而金人併力急攻勝告急于李宝宝以聞還報城中已命張子蓋率兵來救詳見大事考圍既解轉閤門宣贊舍人差充山東路忠義軍統制兼鎮江府駐劄御前前軍統制仍知海州隆興元年詔以鎮江御用同統制魏全來守海州督府張浚亦遣費和仲充山東河北路撫使節制本路軍馬海州駐劄和仲忌勝讒之于督府遂罷勝職鎮江駐劄既而察其誣罷和仲復勝舊職勝還海州撫一方民安其政海州

城西南鎮孤山敵至登山瞰城中虛實立見故西南受敵最劇勝築重城圍山在內寇至則先據之不能害常自創如意戰車數百輛炮車數十輛車上為獸面木牌大槍數十垂氈幕軟牌每車用二人推轂可蔽五十人行則載輜重噐甲止則為營掛拾如城壘人馬不能近遇敵又可以禦箭簇列陣則如意車在外以旗蔽陣弩車當陣門其上置床子弩矢大如鑿一矢能射數人發三矢可數百步炮車在陣中施火

石炮亦二百步兩陣相近則陣間發弓弩箭砲近陣門則刀斧槍手突出交陣則出騎兵兩嚮掩擊得提拔陣追襲少却則入陳間稍憇士卒不疲進退俱利伺便出擊慮有拒遏預為解脫計夜息不使人見以其製上於朝詔諸軍遵其式造焉二年以議和撤海州戍命移知楚州金人自清河襲淮安勝興兵拒之告急于安撫使劉宝宝擁兵不救勝力戰矢盡猶依土步為陣謂士卒曰我當死此得脫者歸報天子乃

令步卒居前騎為殿至淮東十八里中矢墜馬而卒年四十五事聞贈保寧軍節度使諡忠壯詔立廟以祀賜號褒忠官其二子郊忠州刺史昌承德郎

李宝河北人金人之寇海州也命宝為沿海制置使帥州師往援鼓厲士卒縱舟抵東海敵已雲合圍海州旌麾数十里宝麾兵登岸以劔畫地令曰此非復吾境乃戰與否在汝等因握槊前行遇敵奮擊將士鼓勇無不一當十敵出不意亟引去魏勝出城迎宝

獎其忠義勉以共立功名勝感泣復移軍與金人戰于膠西石臼壘大敗之捷聞詔獎諭書忠勇李宝四字表其旌幟命還軍駐東海視緩急為表裏援

魏全不知何地人隆興元年詔以鎮江御前同統制字海州

陳昭字光伯常州人登第知胸山縣丁憂歸北兵至常與常守姚峇同死節贈直宝章閣

徐晞稷不知何地人嘉定十三年以將作監丞知海

古胸考略

卷之三

二十四

州

侯昌字道子温州樂清人三貢于鄉兩試轉運司皆第一宝祐五年制置使賈似道辟通判海州李松寿

字 璿 小

據山東突出漣泗畝麇戰城下死之闔室遇害太學生三十一人言于朝即海州賜廟旌忠諡曰節毅所著有霜厓集

陳詩川饒州安仁人以武功補沭陽令

陳牽字肇方一字偉節度宗咸淳元年與父詩川同

舉進士調胸山主簿

以上宋史

金

阿喜宗室子為海州刺史

完顏卞僧章宗泰和六年為東海令宋商榮復攻海州卞僧復敗之還中伏矢卒贈海州刺史以銀五百兩絹百匹給其家仍官其一字

金史本傳

术甲臣嘉北京路猛安人貞祐初為海州同知

完顏霆本姓李氏中都宝坻人貞祐初以棣州防禦

古胸考略

卷之三

二十五

使賜姓完顏氏屯海州興定九年充權海州經略副使紅襖賊子忙兒寇海州霆擊走之二年宋高太尉兵三萬駐胸山霆軍乏糧采野菜麥食之宋兵柵胸山下隔湖港霆作港中暗橋遣萬戶胡仲珪副統劉贊率死士由暗橋登山霆率兵四千人趨山下約以昏時舉火為期上下夾擊宋兵大敗墜澗溺水死者不可勝計斬高太尉彭元帥于陣中餘衆潰去遷安化軍節度使經略副使如故逾月宋兵復至霆逆

戰駐兵城外夜半宋人乘虛踰城而入經略使阿不罕奴失刺率兵扼戰都統溫迪罕五兒副統蒲察永成蒲察只魯身先士卒殺一百餘人城賴以完語五兒等各遷兩階

金史本傳

獨吉世顯貞祐三年以擊敗李全功授同知海州事

見金史  
田琢傳

從坦宗室子貞祐三年以刺史珮金牌經略海州

金史

完顏陳兒宣宗興定四年為海州經略有擊賊功

金史

古胸考略

卷之三

二十六

張希古金大定中為贛榆令

見金王寂  
拙軒集

元

孟德濟南人憲宗五年移守海州宋安撫使呂文德

以兵擾邊德屢敗之俘其太尉劉海

節元史  
本傳

臧夢鮮慶元人宋未進士第至元十三年浙東宣慰

司舉夢鮮才兼儒吏可試州郡詔知海寧州時淮東

按察副使王慶之按行至其州見夢鮮剛直廉慎而

學有淵源自任職以來門無私謁官署蕭然凡有差

役皆當其貧富而吏無所預於是民以戶計者新增七百六十有四日以頃計者新闢四百四十有三桑拓榆柳交蔭境內而政平訟減為諸州縣最乃舉夢鮮才德兼備宜擢清要以展所蘊而御史臺亦以其廉能抗章薦之後官至湖南宣慰使

節元史本傳

趙雍湖州人翰林學士承旨魏國公孟頫長子也知

海州

以上元史按趙文敏傳祇云子雍以書畫知石未嘗言知海州今從海州志又元史類編云孟頫弟孟顥字子俊官知州工人物

花鳥亦善書然不言海州知州

古胸考略

卷之三

二十七

魏榮金臺人皇慶中知海州建廟學

見碑記

張衡當塗人延祐五年知海州與建小學

右諸人有海州志列名而事實未詳者詳之未載者補之補漢二人後漢二人宋二人南齊四人梁一人北齊一人隋一人唐十九人後唐二人吳三人南唐二人宋二十七人金八人元三人共補歷朝名宦七十九人明代州已詳不重錄